



益公題跋

目錄

卷之一


高宗御批陳思恭奏劄跋

淳熙戊申國書跋

光宗御書跋

題山谷和郭內翰長篇

自題寫真



題薛元亮老杜醉歸圖詩後

題六一先生手書後

題蔡君謨草帖

題唐人臨王子敬帖

題吳說書

題蕭楚公帖

跋王獻之保母壙志

題米禮部參星賦真蹟

題孫氏四皓圖

題祖妣秦國潘夫人書

題樂毅論

雜題跋

跋汪聖錫與武義宰趙醇手書

跋東坡桂酒頌

跋德化縣陳氏義門碑

題吉州司戶趙彥法所藏山谷帖

題汪季路所藏書画四軸

跋劉賓之浩然集

跋何居仁自作墓志

題宜春李椿詩卷

題曾伯震所得子中兄二絕

題李玠叔詩文

題陳誠之遠明樓記

跋百醉夫趙士瞻詩卷

題劉昌詩母墓志

題謝昌國與朱陞書

跋蕭唐叟時菴記

題顏魯公書撰杜濟神道碑

跋金給事彥亨文集

跋范丞相覺民謝罷政表藁

又題范覺民與諸人唱和詩

跋張忠獻公答宋待制手書

題張右丞如瑩奏疏

跋六一先生跋杜濟神道碑

跋獨孤延壽碑

卷之二

跋後漢蔡常侍碑

跋歐陽公堯祠碑跋

題楊謹仲芍藥詩後

跋胡忠簡公和王行簡詩

題羅起宗廟食碑

跋王民瞻送胡邦衡南遷詩

題京仲遠與周孟覺帖

御書樂毅論跋

題呂獻可墓誌

跋張元幹送胡邦衡詞

題蔡忠惠公帖

題陳忠肅公尊堯集稿

跋歐陽文忠公誨學帖

跋徐夫人所書華嚴經梁武懺

跋胡忠簡公論和議藁

題羅煒詩藁

跋焦伯強與潘簡夫帖

跋呂伯恭日記

跋廖中精紀

題謝昌國式華堂記

題廬山西林道場碑

題裴晉公撰李西平神道碑

題歐陽文忠公跋賽陽山文

跋歐陽文忠公與裴如晦帖

題張志寧所藏東坡画

跋老泉所作楊少卿墓文

跋宋待制喚寧軒自適詩

跋李先之禮記義

跋陳剛中石邨廟詩

跋臨江軍劉昌詩之父青詞藁

題胡邦衡侍郎撰胡從周寺丞誌文

題張魏公與晁升道帖

題呂紫微與晁仲石詩

題李龍眠山庄圖

跋張魏公與彭子後書

題陸本益齋記

題周洽所藏南唐牒訴

題浮雲居士曾達臣雜志後

題至聖文宣公三十八代孫孔仲良唐

元以後告身石刻

題俞洪所藏滕元發與俞退翁詩

又書谿堂集後

卷之三

題曾逮侍郎戒其子棠清廉帖

跋撫州游武襪帖

跋楊廷秀所作胡氏霜節堂記

跋唐子西帖

跋韓子蒼與曾公袞錢遜叔諸人唱和詩

跋曾公袞錢遜叔韓子蒼諸公唱和詩

跋吉水蕭氏祖長官告

跋蕭御史殿試卷

跋宋運判炳奏藁

跋張忠獻公與外舅帖

跋義靈廟碑

題聶倅周臣所藏黃魯直送徐父宰餘干

詩藁

跋江氏舊書

跋黃山谷書唐人詩

跋張芸叟劉滬詩

跋司馬文正公手抄富文忠公使北錄

題東坡上薛向樞密書

跋楊廷秀贈族人復字道卿詩

跋曾氏兄弟帖

題侍講呂希哲歲時襍記後

自題與黃談書尺

跋撫州鄔處詩

跋山谷草書太白詩

題戊午歲吉州舉人期集小錄

跋張如瑩歸去來詞

跋王才臣十史論

書譚該樂府後

跋宋景晉晚手書佛經

題趙清獻公三帖

題楊廷秀新塗胡氏義方堂記後

跋東坡與張近帖

卷之四

大元帥康王與向子諲咨目及御筆等跋
跋朱元晦所作南城吳氏社倉記

跋山谷題橘洲画記

題東坡晚年手帖

跋歐陽文忠公與張洞書

書馮頴自得集後

跋黃魯直帖

跋蔡君謨與唐詔帖

書歐陽彝四世碑

跋富鄭公與李仲師帖

題所書劉辰告墓碑橫石

跋顏魯公書

跋張安國與弟伯子家書

跋山谷書文賦

跋柳公權赤箭帖

跋楊廷秀石人峰長篇

題嘉祐賀老人星見表批答

題趙清獻公帖

題癸丑謝何同叔送羊羔酒詩贈尹德鄰

跋蕭氏敦節堂詩

跋陳瓘書

題山谷書大戴禮踐阼篇

題鞠城銘

跋張子韶與陳朝彥序詞

跋養正堂記

題李彥平遺書後

跋曾無疑所藏二帖

題曾南夫集序

跋劉氏後隆堂詩

跋李伯紀青原詩

跋董體仁帖

跋蕭臺詩

卷之五

跋文與可草書李賀銅仙人辭漢歌

跋秦少章詩卷

跋秦少章雜文

跋向子諲遺書

跋蕭服劉達唱和詩卷

廬帥靖康勤王跋語

跋東坡秧馬歌

跋吳伸所藏曾子固帖

跋尹焞帖

跋修禊帖

跋汪達所藏東坡字

跋趙弁雪圖

跋山谷與孫端帖

跋胡邦衡奏藁

跋張德遠與胡邦衡帖

跋陳少陽哀詞

跋包孝肅公帖

曾三異所藏盤松贊跋

跋魚計亭賦

跋梁仲謨尚書奏藁

跋黃通老尚書奏藁

跋楊无咎画秋蘭

卷之六

跋歐陽徹遺事

跋曾無疑所藏黃魯直晚年帖

跋何居仁與張斗南序

跋馮軫所藏五帖

題趙遜可文卷

跋楊廷秀對月飲酒辭

跋陸務觀送其子龍赴吉州司理詩

跋劉共甫胡邦衡帖

跋王獻之保母墓碑

丁酉歲恭和內宴御詩草跋

跋蘇黃門在筠州旋楞嚴標指

題文氏雙秀亭詩

跋韓忠獻范文正歐文忠與尹師魯帖

題范文正公帖

跋趙逢原得母詩卷

題平園圖後

題宋姓西園詩藁

卷之七

紹興淳熙兩朝內禪詔跋

紹興乙丑御筆跋

御筆千字文跋

御書禮記經解石刻跋

撰國書御筆跋

皇太子領臨安尹御筆并御批詔草跋

王炎除樞密使御筆跋

改左右丞相御筆并御批詔草錄跋

虞允文梁克家拜相御筆跋

幸學詔御筆跋

御書白居易詩跋

御書蘇軾和唐人惠山泉詩跋

御筆掌記跋

東宮秋雨詩跋

御批辭免兵部侍郎不允奏跋

內批辭免侍講不允奏跋

御批辭免兼太子詹事降詔不允奏跋

內批辭免經修太上日曆轉官不允奏跋

御批辭內翰不允并詔書跋

御批丐祠不允奏并詔書跋

內批辭免幸祕書省轉官不允奏并詔書

跋

內批辭免春官翰苑不允奏并詔書跋
御批丐祠不允奏并詔書跋

內批辭免經修乾道日曆轉官不允奏跋
內批辭免東宮講禮記徹章轉官奏跋
內批辭免吏部尚書兼學士承旨兩奏跋
御批丐祠不允兩奏并詔書跋

御筆辭免吏書兼承旨兩奏跋

御批丐祠不允兩奏跋

淳熙癸卯生日御筆跋

卷之八

題後省封事看詳

題夜光集

題秦少游瑤池宴

淳熙跋詛楚文

家塾所刻六一先生墨蹟題跋十首

總跋自刻六一帖

題六一先生丁憂居頽帖

題六一先生九帖

題六一先生與王深甫帖

題六一先生五代史藁

跋六一先生詩文藁

題六一先生夜宿中書東閣詩

題六一先生家書紙背猪肉帖

題六一先生慰富文忠公書

題呂吉甫帖

跋十賢相帖

太父秦公考試耀州倡酬詩卷

題于祿書

題王荆公家書

題蘇文定公批答二藁

跋韓魏王與包孝肅公帖

題山谷書太白詩

題山谷書長楊賦

題初寮王左丞贈曾祖詩及竹林泉賦

題東坡與佛印元師二帖

題東坡子高無雪帖

題東坡遠遊菴銘

又跋東坡遠遊菴銘

題東坡元祐手錄

題五代應順年堂檢臨本

題李西臺和馬侯詩

題閣立本列帝圖

題司馬溫公書臨本

題蘇子美帖臨本

題修禊帖

題聳寒圖

再題劉子澄聳寒圖二絕句

題清虛居士真草四詩

跋龐莊敏公帖

卷之九

跋劉仲威蘭亭序

跋周德友所藏蘇養直詩帖

跋宋景文公墨蹟

跋劉子澄曾祖帖

柴翼秀才著書求跋語

題中書舍人趙莊叔字

跋宗室士會所書周以宗強賦

跋湖州沈壽岡之祖墓銘後錢藻撰

跋平江張漢卿推官華山就隱圖

跋羅良弼家歐陽公唐草贊

跋宗室世颺與教授閻丘仲和帖

跋黃承議宗諤所藏文潞公劉莘老韓師

朴諸公題顏魯公懷素書

跋黃廉夷仲行狀

跋劉原父貢父家書

又跋原父貢父和仲馮帖

跋蘇子由和劉貢甫省上示座客詩

跋劉仲馮與斯立宣德帖

跋蕭御史薦宗室世飈奏狀藁

跋山谷發願文

跋王平甫所撰三城方墓表

跋宗室子忠誠前輩帖

跋三蘇畫像贊

跋此菴記

題王龜齡石鏡溪詩碑後

跋劉季高與溧陽筆工顧綱帖

跋黃魯直所書金剛經

跋上藍長老了賢所收張丞相帖

跋西山翠嵒寺南唐保大中賜僧無殷詔

書

跋余安道題名後

跋王民瞻詩

跋孫莘老告身

跋解繼善所藏柳書千文

跋安福令王棣所藏王介甫及其子渙之

沈之等帖

又跋歐蘇及諸貴公帖

跋大皐渡永興觀舊碑

跋趙德麟書

跋米元章書秦少游詞

跋黃丞相書

跋吳說千字文

跋張魏公批劉和州事因

跋虞丞相尺牘

跋張文潛帖

跋東坡與趙夢得帖

題故饒州府西溪居士蔣謨傳後

建炎御筆跋

跋曾無疑所藏米元章帖

又跋章友直回蟲

題鄭忠愍公驤遺事

跋劉楚公沆拜相告

跋朱新仲自誌墓

跋蔡敏肅公平戎慶捷詩卷

跋吳仁傑所藏張旭草書酒德頌

跋司馬溫公呂申公同除內翰告

跋宋景文唐史藁

卷之十

光堯御筆賜陳正彙白金三百兩跋

跋皇祐朝賢送張肅提刑詩卷

跋程宗正之子鑄墓銘

跋范元卿所藏醉翁帖

跋韓忠獻王帖

題金華喻葆光書佛經卷

跋宇文虛中蔡書

同前

跋初寮先生帖

跋鄒志完曾祖詩

跋閒樂居士陳師錫與了翁陳瓘論王氏

目錄書

跋淨慧寺東坡題名

跋陳晞顏從古和簡齋陳去非詩

書簡修行狀後

跋趙善應行實

跋趙子崧詩集後

跋向子諲家邵康節戒子孫文

跋汪聖錫家藏東坡與林希論浙西賑濟

三帖

又跋徐鉉篆李衛公項王亭

又跋蘇舍人題臨蘭亭序詩

又跋黃魯直蜀中詩詞

又跋王禹玉內外制草

又跋王禹玉謝翰林學士承旨表本

又跋王禹玉立英宗為太子詔草友當日

請對奏藁

跋歐陽公與通判屯田等三帖

又跋黃魯直與全父醉帖

又跋王介甫彌勒偈

又跋黃魯直晝寢呈李公擇等四詩

又跋東坡帖

跋馮京與朱諤右丞家書

跋秦少游帖

跋彌明石鼎聯句圖

跋山谷萍鄉縣寶積禪寺記

跋東坡草烏頭方帖

跋山谷書東坡聖散子傳

跋陳簡齋法帖奏藁

跋鄧延所藏其祖溫伯與東坡唱和武昌

長篇

跋趙忠簡公答魏侍郎砭手書

唐相梁國忠公為吏部侍郎加勳告

魏肅張致遠魏砭奏劄

跋先大父秦國公所作涪州使君李

墓誌銘

跋江權卿所藏諸家帖

跋陳與義費肅張擴被召省劄

跋陳從古梅詩

跋伯父與鄭庶手書

跋蘇石帖

跋與徐林書

題蘇子美草書蔡君謨大書跋帖

題唐人硬黃臨王獻之帖

題米芾馬賦

題蘇子美寶奎殿頌帖

題蔡君謨書柳子厚吐谷渾詞

跋趙湖州祠堂記

跋文潞公帖

跋汪季路所藏山谷與柳仲遠帖

跋汪季路所藏朱希真帖

跋張魏公與連壅帖

跋錢穆父與張文潛書

卷之十一

跋汪季路所藏張文潛與彥素帖

又跋季路所藏東坡作王中父哀詞

跋朝士送王校書通歸台州詩卷

跋范文正公五帖

跋喻子材樗帖

跋劉器之帖

跋尤延之家藏蘇子美四時歌真蹟

跋喻仲遷所藏蘇黃門翰林詔草

跋蘇氏藏太宗御書及謝表

跋嚴汝翼所藏張丞相詩

跋東坡代張文定公上書

跋樞府日記

題陳去非帖

題陳去非謝御書等帖

題彭仲衡家東坡書黃庭內景經石刻

題劉丞相沆拜相制

題劉丞相沆追封兗公制

題富鄭公與劉丞相沆書

跋臨江軍廖節婦碑

跋鄭景望詩卷

題宋景文家書

題宋元憲公表藁

題洪景盧所藏王摩詰山水

跋韓子蒼詩送劉童子歸廬陵

題向薌林家所藏山谷書南華玉篇

題汪達季路所藏墨蹟三軸

題蘇季真家所藏東坡墨蹟

題王樂道帖

題范太史家所藏帖

跋向氏邵康節手寫陶靖節詩

跋臨江守潘燾所收蔡君謨寫韓文三條

跋彭惟孝永志堂記

跋呂居仁帖

跋臨江軍任詔盤園高風堂記

跋李次山雪溪漁社圖

題周噩兄弟閻立本樂治圖

又題欵塞圖

題養正堂記并魯侯帖

跋倪求已所作鄒時飛行狀

跋王民瞻楊廷秀與安福彭雄飛詩

跋永和歐陽樗叟銘

記巴西杭州鄭樞密事

書張欽夫劉文潛焯與蔣邕州書

題與王洋手書

跋楊忠襄與鄉人羅錡詩帖

題郭知章告身後

書龔史傳後

題郭彥逢庚午解牒并易辨說

記李太白廬山詩

跋太和樂南金所藏樂史慈竹詩

題韓文公黃陵廟碑

卷之十二



P28后缺

跋楊愿與王伯芻詩

書韓忠獻王帖

題楊廷秀浩齋記

跋歐陽邦基勸戒別錄

書安福劉德禮家紫芝詩卷

豐城府君便山處士唱酬詩卷

題陸先生赴省詩卷

題山谷先生詩卷

益公題跋卷之一

廬陵 周必大 撰

海虞 毛 晉 訂

家藏御書

高宗御批陳思恭奏劄跋

建炎己酉七月高宗幸金陵平寇將軍范瓊跋扈
伏誅瓊為河北制置使時王彥聚兵大行黥其面
曰誓殺金賊不負趙王號八字軍瓊嘗統之至是

彦爲御營使司統制以此軍歸彦又分瓊餘兵四千七百人付神武軍統制陳息恭息恭本韓世忠部曲是春苗劉反自平江從世忠勤王有勞旣得瓊兵遂乞衣甲御批依奏下有御押歲久敝紙臣偶得之亟加池飾嘉泰甲子正月丙寅前史官周某謹記

淳熙戊申國書跋

淳熙十五年十一月五日丙申遣中書舍人鄭僑

及武臣張時修充金國賀正使副明年正月二日葛王殂僑等不能成禮而回二月二日壬戌適值光宗受禪九月己巳僑等入見上深患之令將元國書徑納丞相收不必再奏禮物等國信所自令發付所屬亦不敢奏時從官尚謂不開陳常例使副轉官嘉泰甲子重陽日

光宗御書跋

乾道壬辰春臣佐春官兼直翰林苑坐不草新除

兩簽樞答詔以外祠罷光宗在儲極對官僚數惜
臣去淳熙乙未召還孝宗簡注方厚自兵部侍郎
選兼端尹光宗實贊之陪侍六年凡御製御書或
面賜或簽名封送真行粲然室藏多矣逮戊申歲
獨在揆路孝宗將內禪屢令畱身討論典禮初儀
已酉春北使出門卽擇日傳授偶聞太史局言二
月旦太陽蝕九分臣密奏云太子聽政浹旬不應
使講之禮可少展否孝宗大以爲然曰朕亦可以

當災遂定上旬壬戌吉因奏太子生于丁卯是日
天地德合猶陛下生于丁未而壬午歲受禪也退
不敢以語人至正月末春坊姜特立相過云宮中
人人知上元後舉典禮今悄然何也但遜謝云此
非外庭敢與聞特立不悅而退意間言或自此入
輔初政之二月內外相睥睨遂請罷政紹熙庚戌
起鎮鄉部避言官懇免明年三省擬鄭僑帥長沙
光宗曰周某前宰相合先除授乃知天心念舊非

我可度甲寅巽位後數月臣亦謝事君臣契合固
豈偶然比敬哀高宗孝宗御書一二大者刻石附
以光宗翰墨各爲之跋恭念紹興庚辰孝宗封真
王三皇子共置小學教授一員專差館職選較書
郎王十朋充項之十朋輪對力攻楊存中又在王
邸議賓主禮異同十二月壬子選小解兼職徒越
之宗丞而去館職多闕臣任正字爲之首宰執不
欲自下越進他人特降口口云今後王府小學教

授闕館職學官通差殆爲臣設明日遂用國子博
士劉藻丙辰擢藻祠部郎中當解教授而不解新
制墨未乾也是則光宗就傅臣不得一至講堂詎
知六年居詹省乎敬書以示子孫使知被遇三朝
本末如此爲臣不易雖幸也免于大戾歸美報上
老矣無能爲也抑詩有之倬彼雲漢爲章于天言
天子爲法于天下也又曰追琢其章金玉其相言
萬民觀而樂之也臣之志願不在茲乎嘉泰四年

益公是日
四
二月旦

家藏法帖書畫碑刻

題山谷和郭內翰長篇

郭公諱知章字明叔吉州龍泉人事哲宗爲臺諫
從官徽宗朝歷刑部尚書翰林學士師太原尹開
國史有傳予少時見友人羅良弼云郭明叔乃薄
陶淵明心頗疑之後得公文集見元豐間宰分寧
贈黃太史長歌其末云功名時來亦自然跨風絕

海非爲難肯學陶潛歸去來虛名浪得傳人寰然
後知其壯年志在功名屈臨一邑不忍學淵明棄
印綬而去庶幾善學柳下惠者耶太史此詩卽當
時和篇亦知其銳意從仕故從臾之尋果用鄭雍
顧臨薦擢爲御史豸冠言路之句驗矣

自題寫真

此淳熙庚子予記顏也時年五十有五觀者以爲
酷似七兄贊之今十五年矣髮白面皺殆如他人

益公題跋 五
所謂君顏老可憎特未知常住性依然否如魚飲
水冷煖自知紹興甲寅十二月十日子充題

題薛元亮老杜醉歸圖詩後

薛元亮名士宋臨川佳士紹興間從許子禮李西
美諸公游此詩乃其鄉人梁世昌名光遠錄以示
予慶元丙辰六月八日某題

題六一先生手書後

右熙寧間文忠公與趙彥若元考帖江端友跋云

非戲言蓋往時風法華至人家見筆便書初
無倫理公友江隣幾舍人亦以公見筆輒書戲比
風僧此說載公文集試筆門端友卽隣幾孫也慶
元五年二月癸未周某題

題蔡君謨草帖

慶元己未仲冬餘干徐君未赴安福宰攜此相示
謂是君謨真蹟參以後帖又似他人作不能定也
因命筆吏臨本真秀岩平園老叟周某記

益公題跋 六
題唐人臨王子敬帖

王子敬異文帖杜氏所藏云其祖正獻公併蕭楚公華陽帖得於蕭氏之裔孫相傳唐人臨本或者楚公所臨耶

題吳說書

此詩乃吳說傳羽書而劉季高用名字及杼山三印意其愛而蓄之爾嘉泰二年八月二十四日平園老叟周某題

題蕭楚公帖

蕭楚公自負奇節未嘗以書名而字畫亦甚可觀蓋唐世風俗其雅尚如此嗚呼士大夫風俗根本其所當勉者何獨此一藝哉

跋王獻之佀母壙志

右嘉泰癸亥越人掘地得古碑乃晉興寧三年乙丑歲王獻之佀母李意如壙志也云善爲文能草書王謝奴婢定小異耳又有小硯背刻王獻之永

益公是時
和五字二者以致行都別鑄此本四明樓尚書鑰
摹以相示字畫固妙其辭則有望于八百餘年後
守官之人自興寧距今適八百三十餘年預知如
此蓋當時卜地如此蓋當時郭璞輩固不乏也五
月二十八日記

題米禮部參星賦真蹟

右米禮部參星賦筠州集本以爲首篇其間意同
辭異者多具列如上今祕閣有石刻字畫稍大此

卷收斂豪逸秀傑痛快尤可愛重紙背題詩一聯
不敢慢也嘉泰癸亥秋池州故人文思提轄葉楠
之子之真自所居鉄圉山附遞壽予其意厚矣乃
標軸而識之七月望日平園老叟周某題

題孫氏四皓圖

嘉泰癸亥池州故人子葉之真旣以米元章參星
賦真蹟爲予壽又寄四皓像絹僅盈尺前有印文
云孫汝節筆而之真以爲孫顯節不知何時人蓋

益公是蹟
八
名画也上有蘇文忠贊元祐三年二月楊次公書
東坡諸集皆無之因記乾道庚寅閏二月過京口
遊金山妙高臺壁間有東坡族伯成都中和院僧
表祥繪公像公自贊云目若新生之犢心如不繫
之舟要問平生功業黃州惠州崖州其爲暮年所
作無疑諸集亦不收乃知平生游戲翰墨散落何
限如去黃日戲贈李琪詩偶見于李遠春渚紀聞
之類是也八月壬戌平園老叟周某書

題祖妣秦國潘夫人書

右靖國元年辛巳祖妣秦國潘夫人從祖父初任
忻州司法時與鄭州叔祖母姚氏書夫人富文忠
公弥孫其云奉文乃運使金紫及奉使太師小字
後批三管散一行金紫年十四代寫常記祖母張
秦國道祖父之言舊小吏事上官極恭太守禮上
法曹與他椽窄衰捧按此書亦云起五更每日兩
衙極邊小壘事體尚爾況藩府乎今儀門外雖有

州縣官于此下馬牌然皆肩輿直造客位初到畧
展衙禮遠不過三日近則是日亟免併記此以示
後人嘉泰三年十月旦立石

題樂毅論

右夏侯泰初樂毅論以世傳兩石本較正與史記
本注時時異同歐陽引文選所載今無之不可曉
也嘉泰甲子三月乙亥周某記

雜題跋

侍郎新安朱公喬年家燕王荆公進鄴侯遺
奏稿一通與集中所載增損不同未知孰是定
本公之子元晦爲某言先君子少喜學荆公書多
諸真蹟惟此紙有跨越古今開闔宇宙之氣將屬
江西常平使者汪季路刻石臨川仍鈔日錄奏對
家傳本語附其後幸爲我知之某亦竊怪字公黑
獺蘇綽能以區區西魏置府兵強其國及熙寧全
盛之時欲創上番義勇則反以爲疑獨何歟蓋東

西魏之分孝文立都關中僅有隴右河西之地風俗尚武兵農未判用新造之偏方行一切之號令故爲力也易今以百年無事萬里之中國一旦將復古制兵重于括而欲詢謀僉同革習俗之已安故爲力也難昔者堯舜三代雖曰明道制衆然養成在久立政造事亦非一時所能備彼西魏享國不長降周迄隋濟以唐太宗之英明方覲成效荆公因聖語而謂其施有漸蓋知此矣厥後謝昭文未復云苟貪歲月趣就涓埃是又知時難得而易失耶故詳論之使後之君子得以考焉紹熙五年二月

跋汪聖錫與武義宰趙醇手書

玉山汪公名重天下人得尺牘榮之今觀此帖則于舊僚趙令傾倒至矣其人亦可推也公中年嘗苦目疾頗憚親染虞丞相雅善公公帥蜀時因占吏答書遂稍相失公爲予言如此其後數與予通

益公是蹟 十一
問皆季路代作當時翰墨已難得況今日乎況後
世乎紹熙五年四月旦周某題

跋東坡桂酒頌

東坡自海南歸文章翰墨所謂毫髮無遺恨波瀾
獨老成者桂酒頌其一也今閩浙川本皆以心服
爲心腹御瘴爲禦瘴輔安五藏爲五神殆隨手有
所跋定耶紹熙五年四月五日故人徐息叔赴曲
江幕官攜以相示敬題其後他日或呈似韓使君

刻石寘九成臺銘之側亦奇事也周某子充甫

跋德化縣陳氏義門碑

胡周父史筆文華著聲三朝義門碑甚有古風中
經兵火得賢宰呂仁甫表而出之又可傳遠予恐
石本頗艱爲刻版付陳氏裔孫兼善使攜以歸凡
族人皆當遺之一本惟其有之是以似之尚其勉
旃高山仰止景行行止予亦庶幾焉銘以居官爲
若官疑後來碑誤紹熙五年十七日

題吉州司戶趙彥法所藏山谷帖

紹聖元年甲戌夏山谷得郡武昌未赴坐蔡卞奏
 乞疏問前修神錄詆誣事改授亳祠即開封府界
 七月至陳畱寓東寺之淨土院院有深明閣書此
 二詩贈表姪李繩武翰墨燁然炤人時年五十是
 臘貶黔州後一百年紹熙五年甲寅八月旦周某
 敬觀

題汪季路所藏書畫四軸

右汪季路所藏歐陽文忠公在政府與蔡忠惠公
 兩帖其一蔡公視題十字蓋嘉祐八年八月自翰
 林學士右諫議擢三司轉給事中正除三司使時
 也其一稱端明侍郎則後二年當治平乙巳二月
 解三司除端明殿學士轉禮部侍郎出守杭州時
 也李剔乃尚書都省令史見文忠公祭石曼卿文
 殆亦忠惠故吏耶後人但謂二帖有遺剔往復之
 語後又適題二十六二十九日遂以為先後之序

益公是跋 十三
宣正之紹熙五年九月旦周某書

右高學士家樂毅論歐陽文忠公集古錄跋云碑石燬于回祿而尤延之謂無錫徐氏蓄此碑殘缺已甚得非後人摹刻者耶乾道己丑同年楊志道又以文忠所藏刻之金陵其失愈多茲乃天錫楊氏舊物近世士大夫家絕無而僅有也紹熙五年九月旦周某書

蔡忠惠公大字端重沈著宜爲本朝法書第一紹

熙五年九月十二日

吳画在唐已有妙絕動宮牆之稱況數百年後乎哉或謂縑帛久則飛揚須良匠乃能補葺今赫蹏如新何也然滄浪東坡翰墨在前後來名勝跋語盈軸可謂珍玩矣

跋劉賓之浩然集

故人李盛祖文力學能文辭然猶介少許可嘗著章貢志郡有大家事實當書而丐婉其詞者正色

拒之坐是獲怨謗弗恤也獨爲門人劉君昕作沈刻極道其孝于事親與人交重氣槩不幸嗇于壽一子江童非疑然期有以立已而遂與計偕念君之不及見也哀平生所爲古律詩五十篇求工部尚書謝公昌國序而傳之觀此可以知吾祖文非諛墓者矣紹熙甲寅十月甲辰

跋何居仁自作墓志

故修職郎臨江何安宅字居仁長子十六歲紹興

辛未同上南宮是春朝廷待陳公景明使還知試期特緩四方舉子知秦丞相以言語罪人會于逆旅不敢及時事獨居仁學廣文多泛論古今來聽者惟恐後如司馬長卿之傾吐也已而高談闊論頗爲鄉較之議其去者亦惟恐後又如列侯陳遵之驚坐也今四十有四年追思如昨日事適其子鄉貢進士挺出示居仁自作墓文太息書其後紹熙甲寅閏十月

題空春李椿詩卷

始余自湖南歸江西以紹熙甲寅正月三日過空春得郡人李椿永年詩書各一通知其種學績文非一日也屬客衆且余亟行不及款冬十一月十有三日李君復盡寫詠古詩三百篇攜以相訪蓋平時玩味經史遇古人窮達利害成敗得失有會于心者各爲數運以紀之議論折衷往往出人意外表彼胡曾絕句未足道也求余識其後老諄荒蕪莫能措辭回思少年間有是作姑錄一二爲答一按我以驪珠報君以魚目貴賤固殊矣相載而往垂橐而歸得無爲鄉人所笑乎

題曾伯震所得子中兄二絕

子中兄自數歲已能詩稍長凡古人篇章無不窮極根源採擷菁華中年以後深味禪悅雖遇興間有賦詠要非所好也三十年前嘗以一二寄余今詩人陸務觀一見謂句法入律無愧古人識者以

爲名言曾君伯震得此二絕句可以自信不疑坐
進此道矣慶元乙卯二月十二日

題李玠叔詩文

李公諱孝先字玠叔元祐元年賀范忠宣入西府
啟草如右又嘗有詩題餘干縣干越亭云吳越猶
干地要衝樹亭危岸勢憑空春潭倒影黃昏月古
木喧聲白晝風鷗鷺慣來窺讌席煙雲無著護簾
櫳淒涼故國多遷變獨有溪山在

此啟則公文行空爲忠宣所知惜乎忠宣大用之
明年公遽謝世又明年而忠宣遂相不及引類當
時惜之雖然豐積嗇取後世將昌豈必在其身耶
虞部乃元豐以前官稱至元祐則嘗易朝奉郎因孫
奉新宰兼遠示遺墨爲詳記之慶元乙卯二月五
日周某子充

題陳誠之遠明樓記

陳君誠之示遠明樓記而請曰空秋空春山谷誠

齋已各言之起居飲食與四時之景接賢兄之論則然巧公補其說予曰夏宜急雨有瀑布聲冬宜密雪有碎玉聲如此則四時備矣誠之曰樓覆以瓦似非所宜予曰六月捲簾森映山之銀竹同雲垂野從玉帶以萬妃憑闌送目宜乎不宜誠之謝曰宜哉慶元乙卯三月十二日

跋百醉夫趙士瞰詩卷

味百醉之名誦三篇之詩公蓋師友陶靖節者晁

景遷乃謂得句法于江西殆由禁錮初開詩社勃興人以著錄爲寵故一時之言如此若李雲龕陳簡齋汪龍谿跋語則不易之論也慶元乙卯四月十六日

題劉昌詩母墓志

唐人欲銘其先世必得韓雲卿之文李陽冰之篆擇木八分書乃稱三絕今劉君昌詩有賢母之沒也鄉人徐思叔爲誌謝昌國題額而趙從善書之

益庶幾焉慶元乙卯六月八日周某題

題謝昌國與朱陸書

尚書謝昌國稱嚴陵朱君陸公廉勤敏元樞黃德潤從而實之益嘗任左藏西庫監官上戊申大祀會計冊知諸路郊祀之貢區處得宜入可支出且有贏焉其居官不苟類此秩滿格當擢用以未脫選階一轉而爲撫州宜廣宰尚有可諉曰大邑也今再轉乃爲英之含光是特瘴鄉三家邨耳何其

愈下耶君曰某歷十二考爲王官者爲壯縣尚闕職司之事良由中朝近地英俊所聚無有取知于人故欲求諸遠爾予曰錐處囊則鋒必露鶴群雞則潔易知通籍審官其在此行乎充子之公廉勤敏可也慶元乙卯六月十日周某題

跋蕭唐叟時菴記

蕭君唐叟嘗示予易說矣今復以時名菴而求宜春歐陽永年爲之記謝公昌國楊公廷秀爲之跋

而丐予一言夫艮止也其象乃曰時止則止時行則行君既有得于此予固無以伸其喙雖然剛柔者立本者也所以況卦總主一時之事也變通者趣時者也所以況爻就一時之中而趣其所宜之時焉是道也豈特艮而已自乾至未濟諸卦皆然夫惟君子而時中然後動靜不失其時其道光明君其勉之慶元乙卯六月十八日周某題

題顏魯公書撰杜濟神道碑

右顏魯公書撰杜濟神道碑沈著端重真可入木八分友人曾三異無疑寶藏之按六一先生集古跋謂殘缺不能成文今乃粲然可讀得非摹拓有先後耶濟蓋魯公友壻故又誌其墓六一先生亦有跋云顏撰而不云書筆法非魯公不能為世頗以為非顏書更俟識者辨之今考魯公文集大抵碑詳而誌畧亦微有異同如碑以濟祖仕明堂丞誌則云令碑以濟為惠第二子誌作第三又碑與

誌竝歷渭南宰而文集于碑中乃以爲尉皆傳寫之誤當以此碑爲正慶元乙卯六月二十日周某書

跋金給事彥亨文集

某幼學之年已聞黜歛金公彥亨爲名御史論擊權強無所避紹興戊午春以母憂去朝服闋秦丞相抑而弗用凡二十年當己卯歲高宗以宗正少卿召還歷禮部侍郎給事中壬午六月壽皇初卽

位眷待良厚是秋某以起居郎兼中書舍人同在后省見公直諫多聞年高而德邵每與從官歎其不可及吏部徐侍郎度因爲某言政和宣和後生少讀史一日沈狀元晦以博學至京師東南士子翕然宗之來者滿門聞舉古事莫不竦聽惟公在下坐數搖其首鄉人問故則云某事非也退而考按信然蓋公于史傳皆能默記叩之往往成誦迄今不以史書自隨其學問可知矣此某聞而知之

者也若夫事上不欺聞義則徙某所親見又有可紀者宜表而出之九月己未某兼西掖之二日有旨婉容翟氏進封本位官吏竝合推恩內礙正法人特與轉行卽壽成皇太后也時給舍例同銜繳進某密語公妃嬪位非中官卽醫流皆碍正法前德壽推江上扈從賞今上覃恩竝不轉行止令回授似當論奏公歎曰君言是也近夏賢妃位推恩某實未曉已書牘行下今恐相戾君自繳奏可也

某曰若爾尚可商量庚申講筵公與某皆以職事先後畱身初不知公奏何事某侍班廷下望見公再拜殿上公退而某升甫至榻前上迎勞云朕初止謂卿能文適金按節說卿欲論婉容位轉行碍正法事不謂卿剛方如此可便進文字來方悟公自引前事以爲失也章旣上御批十三字云依奏夏妃位官吏亦依條回授後三十四年公之孫承直郎鑄錢司檢踏官箠持公文藁二篇求予一言

因題其後非獨著公盛德補家傳之闕亦以彰壽皇從諫如轉圜他日史氏或有考焉至于文辭典雅如其爲人識者自知何待贊也慶元元年九月日具位臣周某謹書

跋范丞相覺民謝罷政表藁

庚戌夏五月高宗行在會稽高平公自參知政事拜右相年三十有一明年改元紹興秋七月坐討論事罷政奉祠故謝章有惜名器裁苟得之語汪

翰林草制猶引敬王如孟子選衆舉臯陶可以知其無他矣本朝惟王溥初相時年三十二然其除拜乃在周朝非公比也未強仕而薨不及再用迄展經綸之蘊惜哉慶元元年十月二十八日前進士周某題

又題范覺民與諸人唱和詩

耿伯順韓子蒼范元長李西美李得升謝任伯宣和以來文人才士也高平公或同侍從于靖康之

朝嘗引類于南渡之後觀此詩軸唱妍酬麗三歎
而有遺音矣慶元元年十月二十八日前進士周
某題

跋張忠獻公答宋待制手書

右張忠獻公紹興九年秋起鎮長樂答徽猷閣待
制宋公景晉手書一幀不過數十字而公私故曲
舊情意備焉宋公會孫文成謀刻之石初李伯紀
爲靖康執政景晉以侍從充發運使徽宗南幸時

皆有調護歸京闕之勞其後伯紀帥洪宋爲寓公
此其所以眷眷也慶元乙卯十一月三日周某題

題張右丞如瑩奏疏

澹岩張公以文章才畧被遇高宗越卽位之三年
自獨拜尚書右丞適值苗劉反逆豫政兩月而去
平生奏議號爲通達國體當紹興五年春虜兵初
遁高宗用趙忠簡公奏詔宰執條具善後之計公
上疏五六千言援古證今事事皆有規畫向使久

在政地盡行其言何患不爲名宰惜哉慶元乙卯十一月二十一日前進士周某題

跋六一先生跋杜濟神道碑

右六一先生跋唐杜濟神道碑蓋集古第四百五卷也今吉水縣鄉貢進士曾三異有此碑而未殘缺其文可讀得非嘉祐以前舊本歟慶元丙辰周某爲皇諸孫彥法題

跋獨孤延壽碑

唐歐陽褚薛皆以書名此碑精勁可愛不知出于誰手趙明誠金石錄之第五百九十五謂無書撰人姓名今其前乃題于志寧製文又謂君諱某字延壽名殘缺不可辨今熟視之名左從言右亦彷彿可尋至于隋唐間多以字行則歐陽文忠公跋頽勒禮神道碑論之矣友人曾無愧持此相示爲題其後慶元丙辰正月癸卯平園老叟周某題

其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與
 其券與示丙刻五日於平園老叟周某與

省齋題跋卷之二

跋後漢蔡常侍碑

右後漢蔡常侍碑歐陽文忠公已有跋今其文幸
 可讀以永壽四年二月卒是年六月改元延熹八
 月丁酉制誥湖陽長劉操追授騎都尉印綬至二
 年十一月其子勒文碑石俾不失墜而趙明誠金
 石錄乃以為元年八月蓋因贈官而不考立碑在
 後也慶元丙辰正月癸卯平園老叟周某書而歸

益公題跋
之曾氏

跋歐陽公堯祠碑跋

堯祠碑在集古錄爲第七百九十一卷左氏傳云
巡群屏攝正義謂束茅爲之國語云屏攝之位注
以屏爲屏風攝如翼扇二義雖殊其指主人祭祠
之所則一也今跋以攝爲懾或疑其誤暨得漢碑
亦以爲懾豈古今傳寫不同邪事神之際當屏息
攝伏以致其恭或爲屏蔽之屏攝以威儀之攝也

廬陵祠曹趙彥法示此跋敬題其下爲輕改古書
者之戒慶元丙辰正月癸卯周某題

題楊謹仲芍藥詩後

淳熙甲午奉祠廬陵三月十七日會同年楊謹仲
周孟覺賞芍藥嘗櫻桃謹仲有詩予次韻云清晨
自掃落花廳小甕新篳竹葉青簪盍莫辭過陋巷
臚傳相與記彤庭階翻紅藥會重見僕兩直西掖 敕賜
朱櫻亦屢經老去飄零無此夢詩來吟詠有餘馨

今二十有三年二公墓木已拱因彭君仲識攜謹
仲帖相過且索舊詩爲之悵然此花最盛于太和
而以紅都勝黃樓子爲冠如牡丹之姚魏也黃樓
或得之都勝者邑中一二家有種惜不與人去年
予答鄉貢進士陳恂二小詩云芍藥名先記鄭風
那因如木辨雌雄姚黃後出今王矣合把黃樓列
上公韓魏王以芍藥花爲花后六一先生舊帥楊分寧太史尹
西昌只緣未識紅都勝如杜詩中缺海棠蓋許

寄歐陽公詩云芍藥瓊花應有限維揚新什獨無
名公答云偶不題詩便怨人山谷宰太和時篇詠
甚多未嘗及此花今謹仲云花出語與古事相類
併錄惡語于後慶元丙辰正月戊申日周某書

跋胡忠簡公和王行簡詩

予嘗評胡忠簡公詩有不可及者三用事博而精
下語豪而工一也士子投獻必用韻酬答雖百韻
亦然蓋愈工二也此篇和王君行簡時年七十五

益公題跋
三
長歌小楷與四五十人無異三也行簡世家臨川
志大而膽於文久從公游其人亦可知矣慶元丙
辰四月七日

題羅起宗廟食碑

紹興二十二年秋贛兵環攻南安以石壓卵未足
喻其危稅官羅君起宗獨冒白刃三入賊壘說之
使去城賴以全當時雖不與賞今乃附享神祠夫
人爵不過顯一時廟食自當傳百世羅君可以無

憾而其子孫亦足以自慰矣慶元二年四月十一
日

跋王民瞻送胡邦衡南遷詩

有澹菴壓嵩岱排淮泗之舉然後可以發盧谿穿
天心透月脇之詩不如是不稱二絕澹菴授之從
弟廉夫鶚廉夫復授其子渙所謂文獻相承衣鉢
單傳者若能刻石人授之本則法崑沙界矣丙辰
四月十四日

題京仲遠與周孟覺帖

孟覺與予同宗同郡同年者予忝從班每有哀窮
悼屈之心而未嘗效拔茅連茹之力孰知其子乃
能于三十年後持相國帖自歸于光範乎愧歎而
書卷尾其時日則誠齋題字之信宿也慶元丙辰

四月二十三日

御書樂毅論跋

臣伏讀高宗皇帝翰墨志云魏晉以來筆法無

臨摹又云每得右軍之書手之不置初若食蜜少
甘則已味橄欖真味久愈在也故尤忘于手紹興
三四年間嘗臨羲之所書樂毅論以賜樞臣韓公
肖之謂世傳高氏石本間節三十餘字得非御府
別藏真蹟自不同耶後六十有三年樞臣之孫前
韶州守臣亞卿示臣使記歲月恭惟龍鸞飛動衆
所共窺天日清明臣何敢繪慶元丙辰四月二十
八日具位臣周某謹再拜稽首書其後

題呂獻可墓誌

呂公獻可以熙寧四年五月卒八月葬時王荆公正在相位司馬文正公誌銘不斥其名不沒其實荆公見之亦無所發其怒前謂樞密副使者陳丞相賜叔也方以憂去牽聯潛其姓名可謂深得史法矣是時太僕卿劉仲通自請書丹而命其子忠定公秉筆斯文一出其誰不知邵伯溫乃謂仲通初雖有請見文復遲回不敢器之代父書之仲

又勸呂氏諸子勿摸本恐非三家之福按國史仲通剛方人也押伴夏人折正其章服奉使却秉常寶貨歸論不宜輕用兵因旱條新政不便者五事又上書論人主不可輕失天下心是豈徇時畏禍者哉設前却之而器之亦安得強其父而陷之罪也大抵邵氏聞見錄頗多荒唐凡所書人及其歲月鮮不差誤因是畧爲之辨此碑當日號三絕謂其人與文及書也真蹟之藏名相劉忠肅公元孫

益公題跋 六
無欲家嘗以示忠定公會孫孝昌孝昌念祖之心
切將傳之副墨而力不足會湖南部使者吳仲權
鎰助其費久之乃能成是可以傳遠慶元丙辰五
月九日具位臣周某某謹識

跋張元幹送胡邦衡詞

長樂張元幹字仲宗在政和宣和間已有能樂府
聲今傳于世號蘆川集凡百六十篇以賀新郎二
篇爲首其前遺李伯紀丞相其後卽此詞送客貶
新州而以賀新郎爲題意其若曰失位不足弔得
名爲可賀也慶元丙辰五月十三日題

題蔡忠惠公帖

某之先君秦國公平生喜學蔡忠惠公書家藏京
師舊石刻兩卷真行草畢備妙絕一世乾道間公
曾孫戶部尚書洸來守廬陵摹寘郡齋雖傳寫失
真而典刑故在今公元孫戶部侍郎戡出豫章復
刻公遺墨俾某記其歲月恭惟高宗皇帝天縱游

藝嘗評公書爲本朝諸臣之冠且有入格律度驂
駟之褒天監在上誰敢措辭惟公當仁廟天聖八
年擢進士甲科名在第十後百三十七年歲在丙
戌孝宗龍飛策士侍郎復踐世科名次若合符節
詩云惟其有之是以似之慶元二年五月二十二
日

題陳忠肅公尊堯集稿

陳忠肅公以元符庚辰入諫省力論蔡京姦邪弟

卞安引王安石日錄詆誣神廟未幾出守無爲軍
明年改元靖國入爲都司上書責曾布併及私史
事復出海陵又明年當崇寧壬午貶徙廉州此藁
蓋當時筆也書成名曰合浦尊堯集繼爲四明尊
堯集其詆蔡氏愈力不啻數萬言厥後果有靖康
之亂公可謂忠也已矣可謂明也已矣真蹟在公
壻前衡陽太守蕭君懋德家衡州之孫必得攜以
相示因爲記其歲月仍錄國史本傳使併藏之慶

益公題跋 八
元二年五月二十八日

跋歐陽文忠公誨學帖

歐陽文忠公年二十有三以玉不琢不成器賦魁國子監其後十六年而次子變生變字仲純胡文恭壻性惆儻文章豪放尤長于詩多至于三百篇公以其質敏故書此以勵其學惜乎得年纔三十四位不及美顯然熙寧末鄭俠得罪凡通問者皆獲譴仲純獨傾資送之其大節如此可謂不墜先

訓非學力乎帖已刻而真跡今藏郡人胡祇家祇字仲本佳士也慶元丙辰六月庚戌

跋徐夫人所書華嚴經梁武懺

鬱林蔡侯子羽故母徐氏三衢人宣和間刑部侍郎能敷言之女潛心內典學虞世南書嘗手寫華嚴經梁武懺皆終部帙所謂女人身得度者其子將藏是書于名山求予一言予謂夫人爲善如此邠氏之業在所不論二經果報寧復唐捐華嚴經

云南方國有長者妻名曰善慧見佛神力心生覺
悟法華經云比丘尼憍曇毗得佛授記後名光相
如來予知夫人此念不斷盡未來世豈止資其冥
福而已慶元丙辰六月丙寅

跋胡忠簡公論和議藁

紹興戊午胡忠簡公三十有七以樞密院編修官
上書論和議此其藁也時長子方生未幾南遷公
知禍叵測惟從姪昌齡字長彥賢而可託故以藁

屬之今五十餘年矣昔魯公與魚朝恩論坐位帖
藁摹本已數百載人爭傳寶公之所論豈止坐位
而其心畫端勁實法魯公自當竝傳于百世慶元
丙辰六月

題羅煒詩藁

友人永豐羅永年長子煒天才雋敏而苦于學遂
至墮生子讀其詩藁而悲之永年求予一言昔人
謂詩能窮人或謂非止窮人有時而殺人蓋彫琢

肝腸已乖衛生之術嘲弄萬象亦豈造物之所樂哉唐李賀本朝邢居實之不壽殆以此也今于羅氏子猶信慶元丙辰八月六日平園老叟周某書跋焦伯強與潘簡夫帖

歐陽文忠公贈焦伯強詩云焦生獨立士勢利不可恐又云皎皎寒泉冰其清正如此余哀文忠公集于書簡得公與伯強帖凡十有六意愛之厚期待之遠情見乎詞觀伯強遺永嘉潘簡夫十六帖

淵源蓋有自矣簡夫諱約後爲伯強壻三子文饒字民則文孝字少穎紹興間相繼擢第文虎字叔虎亦嘗魁薦鄉評推焉少穎之子檜今爲臨江軍職官奉檄至廬陵出示此軸爲題其後慶元丙辰中秋平園老叟周某

跋呂伯恭日記

黃太史晚謫空州自崇寧四年歲旦凡風雨寒暑親舊往復以至日用飲食之類皆繫日書之名曰

乙酉家成止八月晦九月則易簣矣呂太史抱病東陽亦有日記起淳熙庚子春盡辛丑七月壬寅其明日遂卒蓋絕筆也方病時出入起居雖不逮山谷而編大事首周敬王修讀書記自唐無衣攷攷課程所謂造次顛沛必於是者兩賢相去七十餘載何其相似也意長日月短悲夫慶元二年八月二十六日

跋廖中精紀

天錫九疇一曰五行凡天地人有形則有數有數則囿于五行是善卜筮者預能測知人居其間又顯可推者傳不云乎死生由命富貴在天豈術者之臆說哉春秋戰國前善相者多若推祿命則盛于漢賈誼譏司馬季主曰高人祿命以悅人心矯言禍福以規人財後世又可知已今士大夫野老人人喜于談命故其書滿天下清江鄉貢進士廖中伯禮連舉未第乃刻意于此會粹類十家之說

章分件析考驗得失較量深淺成精紀三卷攜以
示予謂五行所寓有常焉有變焉常易推也變難
推也理也自非心通意悟不足以盡此故稱善其
事者莫如李虛中萬端千緒參錯重出學者就傳
其法初若可取卒然失之茲豈易哉廖君歸矣苟
因書悟理則將如由基之射百發而百中不然讀
齊侯之糟粕其否未可知也

題謝昌國式華堂記

淳熙甲辰今太皇太后慶七十于德壽宮推恩四
海廬陵進士歐陽鉞字仲授以高年賜初品服
予碩取訓詞式華其老之言揭名于堂工部謝尚
書諤實爲之記歲星一周當慶元丙辰十月三日
今皇帝奏上壽聖隆慈備福光祐太皇太后冊寶
于慈福宮聖算八十有二矣於萬斯年慶典未央
鉞也又將拜增秩之寵再新斯堂以延賓客其有
日矣是月壬戌平園老叟周某書

題廬山西林道場碑

右隋廬山西林道場碑文歐陽率更撰而不云何人書要當出于一手昔唐韋絢錄劉禹錫嘉話載率更行見索靖所書碑下馬布毯坐觀三宿而後去又云率更不擇紙筆皆能如志惟其好古如前說之勤是以肆律無不臻妙理當然矣三門銘逸姓名亦名筆也慶元丙辰十一月己卯平園老叟周某書

題裴晉公撰李西平神道碑

右裴晉公撰李西平神道碑以較江浙閩唐文粹本大率傳寫膠謬且經改易不能徧舉姑言其甚者乾元初立功成都邦人咸服具以狀文而諸本盡作具狀以聞何俗弱也乘墉壑如通道殆有二義當謂士卒賈勇升高步險如履平不然以而爲如猶春秋書星隕如雨也今衆本直改作而通道或增一字爲軌道於是下句砮梟獍而清宮亦添

一禁字按周禮秋官砮箝氏掌覆夭鳥之巢鄭氏讀如槌碑蓋用此砮字而諸本盡改爲磔尤更淺陋古書日壞俗本日多此子所以撫卷三歎也慶元丙辰十一月巳卯

題歐陽文忠公跋賽陽山文

大和九年賽陽山文在集古錄第五百四十三卷自唐乙卯歲至本朝嘉祐巳卯六賢同觀時蓋二百二十五年又至熙寧辛亥一紀之間文忠公巳有存亡今昔之數後百一十五年爲淳熙乙巳而亡友劉子澄記之今十三年子澄墓槨森然矣重可歎也慶元丙辰十一月乙酉平園老叟周某書而歸之劉氏

跋歐陽文忠公與裴如晦帖

右歐陽文忠公與裴如晦名煜慶曆六年魁南省擢乙科嘉祐末以祕閣較理守潤州此公當時答書公文集書簡門先有嘉祐五年一帖而集古錄

前漢鴈足銘跋亦載如晦與公別幅至治平四年如晦以集賢較理判三司戶部勾院卒此帖藏紫微朱公家作跋在隆興二年後三十三年朱公之子軼字叔止攜以相示既刻付文忠公集又爲記其大畧慶元丙辰十一月五日

題張志寧所藏東坡畫

蘇文忠詩云空腸得酒芒角出肝肺槎牙生竹石森然欲作不可畱寫向君家雲色壁英氣自然乃

可貴重五日一石豈知此耶慶元二年十二月一日

跋老泉所作楊少卿墓文

同年臨江楊謹仲諱愿往爲廬陵郡博士嘗爲予言乃祖中大夫諱申在京師從老泉蘇公明允乞會祖光祿少卿諱克從墓文又得王廣淵書丹時君卿篆額今有石本畱先塋頗恨未之見也謹仲下世之十三年其長孫光祖始軸以求跋予生晚

益公是跋 十六
不知中大夫何如人然碑成于嘉祐七年秋而刻于英宗治平之初先是時蘇名震京師廣淵直集賢院爲郡牧三司判官君卿自藩邸以藝文被幸由奉禮部換內殿承制三人雖不同同爲當時所貴非中大夫好學而篤志則其文其書豈易得哉韓退之謂唐人欲銘其先必得三絕予謂楊氏此碑非三難乎厥後謹仲旣以學行爲鄉先生今諸孫又表而出之不隕其業將無愧于老泉之辭矣

慶元二年十二月二十一日

跋宋待制喚寧軒自適詩

右徽猷閣待制宋公詩藁四十一篇皆紹興間寓鍾陵時投贈帥漕及與當時名勝唱酬也嗣孫文林郎江陵府觀察推官文成將伐石刻寘家塾屬某一言惟本朝承五季之後詩人猶有唐末之遺風也迨楊文公錢文僖劉中山諸賢繼出一變而爲崑體未幾宋元憲景文公兄弟又以學問文章

別成一家藻禮而歸之雅正學者宗之號爲二宋
公蓋元憲曾孫字景晉名載詩序中東坡先生詩
云吾觀二宋文字字字炤縑素淵源皆有考奇險或
難句後來邈無繼嗣子其殆庶此六語者今可復
施之公壬午歲某在後省嘗草公贈官制云學知
守其家亦此意也慶元丁巳正月戊戌前進士周
某書

跋李先之禮記義

右章貢先生李公先之朴禮記義四首前兩道紹
聖元年省元程文次兩道元祐八年監元程文是
時兼用經義詩賦取士公賦已盛行于四方近德
安府贛州刻公全集亦復收入獨經義不傳予幼
從公族人養素處士學手自鈔寫往歲因吉水高
君德懋畱意是經命甥李驥瞻本遺之今德懋之
子諲攜以相示爲題其後不然將莫知之其爲誰
之文也

跋陳剛中石邨廟詩

陳剛中字彥柔胡忠簡公同年進士其貶安遠宰也予適在贛識之豐肌便腹骨不勝肉而安遠荒僻瘴癘特甚汲水寘器中須臾墨色以故仕者多死士大夫固憂公不能生還未幾果然其後湘中有著紹興正論者公姓名在焉且云其妻無所歸削髮為尼未知信否謂公以辛酉歲貶則誤矣當以庚申為正

跋臨江軍劉昌詩之父青詞藁

君山唐子西父病篤母史氏祈以身代死已而母死父生彼特伉儷之情爾或不容于兩全若劉氏兄弟則孝于事親也其感格空也

題胡邦衡侍郎撰胡從周寺丞誌文

金昆玉友無復二難鴻筆瓌詞有華三絕繡篋中之遺踪附冢上之豐碑解白墮之嘲俛焉隔世圓朱袞之夢恍若平生偉詩禮之傳芳森兒孫其競

爽尚襲藏十手澤期光紹于實章

白墮朱袞皆一時實事

題張魏公與晁升道帖

右魏國忠獻張公遺晁升道十四帖其半親表也
升道諱升之南渡寓盱江寶文閣學士劉洪道資
深見而奇之薦于魏公自是為公客公居潭連音
問不絕凡國太晚年之起居欲夫早歲之學識皆
于詞翰中及之最後謂人事無窮與天地相終始
欲其以全精神期之者至矣今公季子龍

尚書開鎮豫章熙父兄之勲業升道之孫子毅攜
公手澤信侯棨戟因為記其本末慶元丁巳十月
丁丑

題呂紫微與晁仲石詩

晁氏一姓文獻相續殆無他揚號本朝盛族仲石
諱公慶紹興初與范顧言曾裘父同學詩于呂紫
微故得是詩乾道元年平江守沈公雅刻紫微集
二十卷以歲月為先後此篇在末卷中蓋暮年所

作也仲石之子子毅以示周某敬書其後慶元丁巳十月丁丑

題李龍眠山庄圖

龍眠居士博學嗜古志尚清遠筆端餘力溢而爲畫王荆公雅重之數贈以詩又從蘇黃諸公游蓋文與可一等人也龍眠山庄圖匹休輞川張右丞達明鴈峯談錄云正本爲中貴梁師成取去今所臨摹蓋初本也居上出處具蔡啟作誌文一子諱

以是詩爲齋之銘立爾常心毋欲速成惟直諒多聞之是親可以致身可以揚名豈止一第而已慶元三年十月

題周洽所藏南唐牒訴

右南唐吉水縣鄉貢進士周洪諠牒訴七幅考之史氏五代僭僞諸國獨江南文物爲盛然每歲科舉取人甚少多用上書言事拜官惟廣順二年始命江文蔚知貢舉放進士廬陵王克正等三人而

止雖舉子以少爲貴然鄉坊係家父子難乎俱免
累政縣判如此蓋優之也家傳二百四十年八世
孫洽來求跋語按周顯德五年歲在戊午卽李璟
係大之十六年方改元交泰而世宗盡取淮甸畫
江爲界上下震懼謀徙豫章已而削去帝號奉同
正朔故第一幅稱顯德六年明年庚申太祖皇帝
受禪辛酉璟南徙而殂煜嗣位于金陵後十三年
歲在甲戌王師弔伐明年乙亥國除士民始避本

朝廟諱其名上一字適同宣祖又明年十月太宗
皇帝卽位其下一字復犯御名故前牒皆名弘義
最後一牒乃改洪諡實開寶九年之十一月至十
二月則改元太平興國矣先是公私狀式例以牒
件謹牒爲文元豐四年十一月詳定官制所重頒
新式此其所以異于今也洽字季宏不隕世業豈
但遺蹟是藏固將起家以大其門老夫雖耄尚或
見之慶元丁巳冬至日



P21

作也仲石之子子毅以示周某敬書其後慶元丁巳十月丁丑

題李龍眠山庄圖

龍眠居士博學嗜古志尚清遠筆端餘力溢而爲畫王荆公雅重之數贈以詩又從蘇黃諸公游蓋文與可一等人也龍眠山庄圖匹休輞川張右丞達明鴈峯談錄云正本爲中貴梁師成取去今所臨摹蓋初本也居上出處具蔡啟作誌文一子諱

以是詩爲齋之銘立爾常心毋欲速成惟直諒多聞之是親可以致身可以揚名豈止一第而已慶元三年十月

題周洽所藏南唐牒訴

右南唐吉水縣鄉貢進士周洪誼牒訴七幅考之史氏五代僭僞諸國獨江南文物爲盛然每歲科舉取人甚少多用上書言事拜官惟廣順二年始命江文蔚知貢舉放進士廬陵王克正等三人而

止雖舉子以少爲貴然鄉坊係家父子難乎俱免
累政縣判如此蓋優之也家傳二百四十年八世
孫洽來求跋語按周顯德五年歲在戊午卽李璟
係大之十六年方改元交泰而世宗盡取淮甸畫
江爲界上下震懼謀徙豫章已而削去帝號奉同
正朔故第一幅稱顯德六年明年庚申太祖皇帝
受禪辛酉璟南徙而殂煜嗣位于金陵後十三年
歲在甲戌王師弔伐明年乙亥國除士民始避本
朝廟諱其名上一字適同宣祖又明年十月太宗
皇帝卽位其下一字復犯御名故前牒皆名弘義
最後一牒乃改洪諡實開寶九年之十一月至十
二月則改元太平興國矣先是公私狀式例以牒
件謹牒爲文元豐四年十一月詳定官制所重頒
新式此其所以異于今也洽字季宏不隕世業豈
但遺蹟是藏固將起家以大其門老夫雖耄尚或
見之慶元丁巳冬至日

題浮雲居士曾達臣雜志後

姓氏書曾氏望廬陵本朝大江以南清源南豐兩族皆出宰執侍從嘗通譜系其後贛之雲都則叔夏尚書大猷吉甫侍郎繼爲禁路之英惟廬陵一族文獻相承登科無慮數十人而未及三郡之顯今浮雲居士達臣有博古通今之學偶遺于科舉有知幾應變之才不苟于功名緒餘著書追跡前輩向使盡發胸中之所蘊其成就宜如何哉是生諸子才學俱茂或仕于小官或貢名天府而仲氏無逸策第太常典中祕書爲尚書郎群從孜孜爲善方競爽迭興而未艾視前三家何患不及特時有後先爾況猶子無玷嘗以奉使朔方假大兩制歸而勸講修注備膺寵章是故爲之兆矣姑少徐之慶元丁巳冬至日

題至聖文宣公三十八代孫孔仲良唐真元以後告身石刻

自古推尊孔子莫如孟氏既答公孫丑曰自生民以來未有孔子也又引宰我子貢有若之言曰夫子賢于堯舜遠矣生民未有句言至再三蓋然之也趙岐乃謂前聖不得相踰門弟子之言太過豈知孟子之意哉及唐韓愈謂天子至郡邑通祀孔子北面拜跪禮踰社稷彼堯舜雖得其位而不得常祀社稷雖得常祀而無天子北面拜跪之禮故云不得位而得常祀無盛于孔氏是爲遠過堯舜

之郊然後孟子之意明矣某竊謂虞賓三恪隨運推移孰有世世襲封如衍聖公者城陽蒼梧間置守冢孰有廟宅世祀萬乘臨拜如孔林者以此推之將歷千萬世與天地相爲終始何但生民未有而已今莆田幸因賢者爲更版籍立四十九世孫之戶刻唐告于縣齋他日良二千石或能推擇嗣人世居學宮使先聖苗裔益勸毋怠於以章皇朝崇儒重道之美又盡善也慶元三年十一月日

題俞洪所藏滕元發與俞退翁詩

四朝國史于遺逸中立俞退翁傳大槩用孫莘老所作墓表惟自西川召爲御史力辭不拜墓表但云以關員召傳乃謂王介甫籍其清望使擊故老夫清德安肯妄發介甫用人寧不察此竊疑滕元發嘗倅湖州退翁郡人熟知其賢觀所贈詩帖卽可知矣當熙寧元年神宗時元發方厚擢爲中丞必舉臺屬退翁之召或以其薦卽可知矣是歲十

二月元發改翰林明年春介甫得政素惡元發出之于外知幾而退是乃所以爲退翁況舉主補外自應隨罷耶墓表不書其由莘老亦嘗攻元發故也慶元丁巳十一月退翁元孫洪相過出示元發詩翰妄意如此來者或有考焉退翁子孫甚盛是則豐積災散之報洪福醞藉疏通稱其家者也

又書谿堂集後

再跋退翁溪堂集首詞竝同其後畧有更改附錄于下

四朝國史云云退翁子孫甚盛且多顯者今其元

孫徵入爲廷尉屢更麾節純誠厚德克世其家因
示谿堂集附此說十後使來者有考焉慶元庚申

二月己卯

二月示發如鎮林甲辛春介甫掛如素惡示發出

益公題跋卷之三

題曾逮侍郎戒其子棠清廉帖

漢華陰楊氏自高帝時善以功封赤泉侯其後敝
相昭帝傳至東京震益顯遂爲名族大要以清白
遺子孫子孫亦能守之四世清德見于孔北海疏
殆與兩漢相爲終始何其盛哉本朝贛川曾氏儒
素相承弟兄俱上禁塗至文清公乃用此易其名
是生仲躬出藩入從受知孝宗季子出仕之初援

古證今誨戒諄諄無非清白之訓是豈教成諂者
誰能世濟其美不隕其名則將與國咸休永世無
窮矣慶元丁巳十二月日

跋撫州游武禊帖

某與家兄子中自少喜收法書前後得右軍禊帖
以十數共評此軸游氏所藏謂謝脫拘束而動容
周旋如印印泥無不愜當筆意變化其妙入神蓋
傳于今者惟定武瘦本最佳茲其一也慶元丁巳

臘月丁酉

跋楊廷秀所作胡氏霜節堂記

清風嚴霜本不相爲謀兼二美者竹也友人楊公
廷秀平居薰凌慈仁真可解慍臨事則勁節凜然
陵大寒而不改名堂作記曲盡竹之情狀蓋身之
非假之也今胡氏旣知不可一日無此其可三日
不讀此記乎慶元丁巳

跋唐子西帖

看山唐子西之文盛傳于世不待贊也史稱其論
事精密通于世務爲宰相張天覺所知歷宗子博
士提舉京畿常平貶惠州數年歸蜀而卒有子曰
文若字立夫一字仲懿寬厚秀傑文辭高雅不妄
與人交而襟懷灑落人自愛之登紹興五年進士
第屢被薦召多仕于蜀二十六年入爲光祿寺丞
遷祕書郎擢起居郎執政有惡其不下已者諷言
官誣以事出知邵州改鏡州除敷文閣徙溫州二

十一年參知政事楊椿薦之高宗笑曰今不傲否
蓋或言其簡伉也以宗政少卿召再爲起居郎明
年二月進中書舍人兼修玉牒官隆興元年以足
疾求去正月丙辰除敷文閣待制知漢州明日改
江淮都督府參贊軍事符離退師例貶秩二等求
出幕徙江州病丐祠二年某月卒于南康軍年六
十晚號遯菴初爲鄱陽破豪民一族人稱其政後
與郡人王樞密剛中通姻因卜居焉在朝廷若不

預事間出議論輒正平無向背高皇將內禪懲靖
康吳敏輩自以爲功未嘗語人宰執亦不敢問獨
立夫請對言不宜迫遽高宗諒其忠與詳論舊事
會御批追崇皇太子所生父立夫已書黃因過某
歎聖德不可及而疑名稱未安歸白宰相請更黃
而堂吏執不可立夫請不已宰相以聞改稱皇太
子本生親尋詔侍從臺諫就御史臺會議遂稱皇
兄而加贈極品其端蓋立夫發之立夫素主民兵

或疑其迂雖予亦不謂然及守九江適虜騎犯舒
立夫參用民兵備禦整暇方督匠刻東坡集人賴
以少安其治郡能盡僚屬之才人皆樂爲宣力至
簿書期會則不屑性旣寡合遇所喜形迹都忘平
生不言人過雖有憾亦容之常曰觀人以初見爲
定往往十得六七少因讀史悟性理宣州僧宗杲
及與子西竝遊張天覺之名震一時立夫適相遇
于荆南先語其子云我今謁杲彼若叩我我便不

服望見立夫遽曰尊公文章滿腹却欠此事群從何處得來立夫喜且服人兩奇之子輅字德輿亦能文進德壽宮慶古賦後省第入甲等乾道中由大理司直出通判漢州淳熙一十三年冬提轄權貨務高宗上仙獻嘖議謂合稱祖破禮官之說又及巷市七日事孝宗下其議會御史察洪翰林邁議稱祖非是洪家居待罪孝宗曰議禮如聚訟何嫌異同於是禮官併疏輅失言給事中亦乞罷輅復通判隆興府予嘗與立夫同僚相善又惟文士子孫能世其家如唐氏者未易多得故傳其事于上舍游居所藏帖之後使修史者有考焉輅今爲刑州守慶元戊午正月乙卯

跋韓子蒼與曾公衮錢遜叔諸人唱和詩

崇寧大觀而後有司取士專用王氏學甚至欲禁讀史作詩然執牛耳者未嘗無人凡紹興初以詩名家皆當日人才也今讀韓子蒼與錢遜叔曾公

五
衮等臨川唱酬畧可觀矣或疑所以然予曰舉子
在場屋爲學不專爲文不力旣仕則棄其舊習難
乎新功彼有志之士其操心也專其學古也力譬
之追風籟雲之驥要非繩墨所能御故子蒼諸賢
往往不由科舉而進一時如程致道呂居仁曾吉
甫朱希真皆是也其又奚疑慶元戊午正月戊午
跋曾公衮錢遜叔韓子蒼諸公唱和詩
國家數路取人科舉之外多英才自徽廟迄于中

興程致道呂居仁曾吉甫朱希真詩名籍籍朝廷
賜第顯之今用觀曾公衮錢遜叔韓子蒼諸賢又
皆翰墨雄師非有司尺度所能得也紹興初星聚
臨川唱妍酬麗一時傾慕郡之名勝游氏襲藏此
卷有年數矣慶元紀號之四年歲在戊午上巳日
周某子充敬題其末

跋吉水蕭氏祖長官告

右武寧蕭長官所受淮南吳氏告一通按路振九

國志楊行密之子渭自吳王僭號改文散官大夫
爲大卿御史大夫爲御史大憲明年渭殂十一月
弟溥嗣位改元乾真實後唐天成幾年也徐溫旣
死子知誥起復秉政其歲月職制皆與此合予聞
蕭氏自武寧起家至曾孫諱定基字守一本朝天
禧三年登第嘗任侍御史風節凜然有孫諱服字
昭甫元豐五年登第擢監察御史時相蔡京憾執
政劉逵皆已窮治逵姻家章氏私鑄獄于平江久
不能決昭甫奉詔審鞫不如京指遂坐廢錮後起
爲吏部員外郎出知蘄州卒再世以直諒聞號廬
陵名族祿仕不絕武寧七世孫武陵丞諱許字嶽
英才具過人予嘗與之游諸公方欲薦用俄謝事
去議者惜之因其子特起出示祖告併題于後慶
元戊午上巳

跋蕭御史殿試卷

右天禧三年蕭公廷試三題卷一日之間文不加

點頃在館閣同僚許克昌狀元出其從祖安世治
平四年魁卷與此畧同蓋祖宗時士人業精于勤
往往習慣如自然非若後來之鹵莽也家狀曾祖
霽不仕而其裔孫尚藏淮南吳乾貞中任武寧縣
令真告其以爲僞官故不書耶或疑賦原韻不當
押業之法按廣韻入聲三十一洽與三十二狎通
用三十三業與三十四乏通用自唐迄天禧皆然
此舊韻也仁廟初詔丁度等撰定集韻于是移業

爲第三十二而以狎乏附之此今韻也慶元四年
上巳

跋宋運判昞奏藁

右故廣西運判奏章四藁公以紹興二年二月爲
衡陽太守當孔彥舟馬友曹成諸劇賊破城侵境
之後黎庶凋瘵百孔千創官軍征戍日夜往來資
糧屏屨應酬無虛日而能悉心撫摩臨事整暇奏
課遂爲湖南第一四年三月代還此陛對所陳也

如乞諸郡置將乘時和糴與夫鞭策諸將早圖恢
復皆中興急務深契高皇之心畀以使節將試用
之攬轡踰年奉祠遂歸沒于臨二子子仍子倬仕
皆弗顯其孫文祚等得此遺墨俾某識其後公之
守衡也舅氏王公籍實貳郡事奉外祖母衛太夫
人在焉又叔父靜江府君侍叔母秦國夫人宰屬
邑之安仁某時年十七八歲侍先夫人省秦國于
衡尚能記公之政今追書大畧如此公諱昞字景

國元憲公會孫而外祖母之姪于先夫人
表兄云慶元戊午三月十七日

跋張忠獻公與外舅帖

張忠獻公忠君憂國勸學爲善之心造次顛沛未
嘗少忘凡見于手書者皆是也近世浮辭謬敬盈
于尺牘觀此得不見賢思齊乎茲八幅者外舅御
史王公彥先紹興庚辰守公鄉郡及移瀘帥答書
也德人士風之衰期待甚厚蓋聞名于過平江之

並公題跋
九
日知非溢美外舅季子嘉賓藏之有年今傳其子
紹祥而屬某題其後慶元戊午五月庚辰

跋義靈廟碑

義靈廟者勝侯棲神之所也侯宣和間掾天台適
方寇鴟張初爲曲突徙薪之計後收焦頭爛額之
功正使二千石智勇過人未必兼此二者孰謂一
戶曹乃優爲之當時祠享永世廟食宜哉時慶元
戊午五月丁巳

題
是謂倅周臣所藏黃魯直送徐父宰餘干詩
藁

山谷此詩今載外集不觀初草何以知後作之工
老杜云陶冶性情存底物新詩改罷自長吟孰知
二謝將軍事頗學陰何苦用心苟作者云乎哉慶
元戊午歲戊午月戊午日平園老叟周某書而歸
之聶氏

跋江氏舊書



P11

右安陸江氏書一卷頗有誤字首印江元叔書籍
記末用越州管內觀察之印不知元叔守越時錄
本或錢氏舊書也子孫不能守多入鄉人翰林學
上鄭獬毅夫家贛州興國主簿余鏞得此以遺余
乃錄毅夫鄖溪集所載記文于後慶元戊午歲戊
午月戊午日

跋黃山谷書唐人詩

右山谷大書一軸紹興末外舅御史王公彥先守

之子遵求踐宿諾感歎不已某昔爲大史牛馬走
恭讀徽宗實錄宣和六年春旣獲夔高不得慶曆
國書誓典真本藏寶文閣朝廷以爲快祖宗累世
之憤則富公奏牘所謂影帶下策蓋用之矣當時
力辭奉使當抑有由也慶元四年六月十一日

題東坡上薛向樞密書

薛恭敏公元豐元年九月自樞密直學士工部侍
郎知定州召入西府蘇文忠公嘗與之論天下事

今復貽書深切著明如此責善爲有加矣薛本以理財論兵進及政路首尾三年同列質以西北事則養威持重未嘗啟其端最後詔民蓄馬旣奉行復欲反汗爲舒亶論罷聞義能徙不善能改未必不因蘇公之書比之患失遂非者有間矣元祐間特被褒表豈無所自耶公作此時年四十三是其生朝也身爲二千石士民當盈庭爲壽不則與家人飲食燕樂乃齋心呵凍極陳國計其賢于人遠矣官本不載此書于集惟麻沙本及別集有之故人劉篋壽使君之子宗奭兄弟家藏真蹟慶元戊午七月旦以示前進士周某敬題其後

跋楊廷秀贈族人復字道卿詩

江西詩社山谷實主夏盟後四方人才如林今以數計未爲多也誠齋家吉水之澁塘執詩壇之牛耳始自宗族延及郡邑孰非闖李杜之門晞歐陽之蹤者粵無錫燕無函秦無廬胡無弓車夫人能

爲之尚可以社名乎家生執戟郎又拔乎其萃者也慶元戊午七月二日

跋曾氏兄弟帖

贛川曾氏兄弟俱有時名其以文章議論會致身禁從者三顯謨學士字叔夏寶文待制字天猷敷文待制諡文清字吉甫逮大理卿字原伯戶部侍郎字仲躬同事孝宗克纘先業視南豐之曾殆庶幾焉仲躬子德廣守桐川哀兩世翰墨刻之石蓋

將對手澤而思永君子之澤卽心畫而推廣前人之心濟美象賢寧有旣耶附以呂伯共禮部君二帖深有益于學者乃知五公義方之教施及宅相何其盛也慶元戊午八月丙寅朔

題侍講呂希哲歲時禱記後

本朝承平歲久斯人安生樂業凡遇節物隨時制宜雖有古有今或雅或鄙所在不同然上而朝廷次而郡國下逮民庶驩娛熙洽未嘗虛度則一也

侍講呂公當全盛時食相門之德既日擊舊禮又身歷外官四方風俗皆得周知追記于冊殆無遺者惟上元一門多至五十餘條百年積累之盛故家文獻之餘茲可推矣慶元戊午公之孫仙遊邑大夫祖平以示平園老叟周某竊有生晚不及見之歎云

自題與黃談書尺

元祐給事中黃公夷仲之曾孫諱談字子默山谷

先生從孫實傳詩社之正印有文集三十卷自號澗壑居士早受知于胡明仲侍郎其後劉共父樞密張安國舍人繼帥湖南皆爲上介屬以文翰人門具美宜在朝廷而官止權務壽不及知命識者惜之嗣子早世其孫鈞以子隆興乾道間往復之書數十通聯爲大軸銜袖相過內十四幅乃予手筆餘皆弟姪及筆吏代作今三紀矣追懷人物之英豈易復得重爲歎息慶元戊午九月巳亥

跋撫州鄔處詩

臨川自晏元獻公王文公主文盟于本朝由是詩人項背相望近世如謝無逸考槃兄弟及饒德操汪信民皆傑然拔出者也南渡以來又得寓公韓子蒼呂居仁振而作之四方傳爲盛事其後儒冠則曾季狸袁父釋氏則文慧大師惠嚴道士則黎道華師候同時以詩鳴人喜稱之今鄔君文伯復以科舉餘力刻意吟咏橐其新舊藁遠以相示予

雖不能詩然亦知其爲佳作也蓋木有本可以于霄水有源可以至海以君之才進而不已追前人而與之齊斯無難矣慶元戊午九月戊申

跋山谷草書太白詩

南豐湛氏收山谷草書李太白歌行一卷殆中年筆也予家藏數卷亦太白詩蓋非謫仙妙語不足發龍蛇飛動之勢耳今江西豫章廬陵宜春皆刻山谷真草惟蜀中劉氏十卷中草聖尤奇實暮年

筆也始頴昌劉昱字晦叔與山谷友善暨其子瓌孫伯虎三世相繼持節于蜀日哀月聚固宜得之之富其間二說學者不可不知乃命小吏錄于左

題戊午歲吉州舉人期集小錄

選士于里登名天府爲之首者期集同舉之人禮也廬陵號士鄉故此禮尤盛而今歲特盛焉永新左君淳熙己酉哀然居萬人之上今秋克復舊物而其父母年方五十二者皆近所稀有其盛一也

公龍泉孫公朝廷鄉黨之達尊交以序美

之其盛二也每舉士或有故不至至或不多多者僅三四今在坐乃五十人其盛三也左君旣具著于錄而附以坐客所賦詩強予題其後老詩雖不能措辭竊有祝焉國朝天聖八年春參政歐陽公國學首薦冠名南宮是年廷試榜眼則丞相劉公其後鼎甲則侍郎郭公中興第五則資政胡公至紹興十八年參政董公遂唱名第一其他登甲科

者猶未悉數也諸君勉旃踵前賢之高躅增吾邦之盛事其在茲行乎其在茲行乎慶元四年日南至

跋張如瑩歸去來詞

永嘉陳開祖紹興二年登第張公子韶雅重之仕至廣德太守行誼表于一鄉廉靖著于仕途其倅豫章戶部尚書張公如瑩以慶遠軍節度使來爲連帥素以翰墨馳聲位望旣崇益自珍貴人欲其

人不可得獨爲開祖書歸去來辭于畫卷且推美其古雅今五十年而開祖之子求仁請予爲之跋求仁三爲劇邑以名字再典郡予嘗同僚知其端諒通達蓋名父子也開祖諱一鸚求仁名自修慶元五年正月十九日

跋王才臣十史論

淳熙中予備數政府故人劉子澄守衡言布衣劉德老之才孝廟亟命以官食衡祠祿因思予友王

才臣才學不啻德老甚欲以名聞顧念才臣春秋未甚高猶當以科第進遂不果後歸老里中才臣猶在場屋偶見孫從之改其史論為之悵然才臣身雖益困而所養益厚異時會當有知之者予老矣尚庶幾及見之慶元五年上巳日

書譚該樂府後

世謂樂府起于漢魏蓋由惠帝有樂府令武帝立樂府采詩夜誦也唐元稹則以仲尼文王操伯牙

水仙操齊牘沐雉朝飛衛女思歸引為樂府之始以予考之乃賡載歌薰兮解慍在虞舜時此體固已萌芽豈止三代遺韻而已新喻譚該居之舉業餘暇作上之回等十四篇因舊題而衍其詞用意深遠至于擬古詠史詠懷感遇諸詩多有佳句進而不止前輩可以企及為題卷末而勉之慶元已未五月戊戌

韓文公云雉朝飛牧犢子作英競集古樂府題要解以為處士犢木子劉次莊樂府集序又作牘沐未知孰是也

跋宋景晉喚手書佛經

待制宋公手書金剛經端謹有法度始末一體如摹印然敬之至也王荆公學王濛書多爲橫風疾雨之勢每作帖初尚矜持後必坦率惟寫佛經專用楷法亦是理歟公以紹興己未五月書比其曾孫曾老以慶元己未五月示周某甲子適一週矣

題趙清獻公三帖

右趙清獻公三帖第一乃嘉祐八年春任度支副

使所作其云孫公勇退謂蜀人文懿公也名與公同尋除東宮三少致仕屹公長子是年登科第二則治平二年公知成都時仁舉不知謂誰之年有都官郎中廣濟河催綱石輅爲梓州路運判或斯人歟第三云呂侍講三請畱司蓋正獻公也是年八月出知蔡州慶元五年十月旦平園老叟周某敬題

題楊廷秀新塗胡氏義方堂記後

誠齋作義方記理勝而文雄姝無老人諄諄衰弱
氣象吾黨所共矜式豈特光賁胡氏家塾而已哉
慶元己未十月辛未

跋東坡與張近帖

右坡公與張幾仲帖蓋元豐間謫居黃時也所謂
授德興尉者長子邁也其將自黃移汝嘗賦長篇
以銅劍易幾仲龍尾子硯幾仲作詩送硯及劍公
又屬和卒以劍歸之具載集中幾仲名近仕至顯
謨閣直學士國史有傳其從孫子佾家臨江軍實
藏此帖慶元己未十一月甲辰周某子充敬觀

